

- orsum sursumque expansi sunt huius *arboris* rami, qualitatibus adulti, e rebus sensilibus germinantes, ac deorsum radices sunt propagatae, operum vinculis constrictae in aevo
3. mortali. Talis eius forma non concipi potest in hoc orbe terrarum, nec finis, neque constitutio. Hac fico religiosa cum radicibus late serpentibus ense acuto aequanimitatis excisa,
4. deinceps iter istud est anquirendum, quo profecti non amplius revertuntur. Nimirum ad hunc primaevum GENIUM ego deduco, unde flumen istud antiquum dimanavit.
5. Qui, arrogantiae et erroris expertes, ambitionis vitium devicerunt, constanter versantes in eo, quod supra spiritum est, et a quibus cupiditates recesserunt; a gemino affectu exsoluti, qui voluptate ac dolore designatur: hi incedunt, haud aberrantes,
6. per iter hoc perpetuum. Non illud illuminat sol, nec luna, neque ignis, quo ingressi haud revertuntur: id
7. est domicilium meum supremum. Mei portio quidem in animantium mundo, vitalis, sempiterna, animum cum quinque sensibus e naturae gremio attrahit. Quodcunque corpus nanciscitur vel undecunque exit princeps *iste spiritus*, cum eo congregitur illis arreptis, sicuti ventus odores ab ipsorum
9. cubili arripit. Auditum, visum, tactumque, gustum, nec non olfactum inspectans ille, animumque, rebus sensilibus ministrat. Exeuntem, vel permanentem etiam, vel fruentem, qualitatibus consociatum stulti non respiciunt: cernunt vero
11. scientiae visu praediti; annitentesque devoti eum cernunt in semet ipsis commorantem, *sed* quamvis annitentes, qui spiritales nondum evasere, haud eum cernunt, intellectu
12. destituti. Qui splendor in sole concretus mundum illuminat totum, quique in luna, quique in igne: eum splendorem
13. meum esse scias. Terramque penetrans, animalia sustento